

Շոգովուրդ

179
(2659)

13 դեկտեմբերի երեքշաբթի 2022
2022տպագրության ժԱ տարի

✉ ք. Երևան, Արվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com


100 դրամ

ՆԻԿՈՎ ՓԱՇԻՆՅԱՆԸ ԽԱԲԵԼ Է. ՄԱՍ 153



«Այսօր մենք տեսնում ենք հետեւողական գործողություններ, որոնք ավելի ու ավելի առարկայական են դարձնում մտավայրայինությունները, որ Ադրբեջանը Լեռնային Ղարաբաղում իսկապես ցեղասպանություն է կազմակերպում, նախապատրաստում», - երեկ՝ «Ուղղեմ ցեղասպանության հանցագործության» 4-րդ գլոբալ ֆորումի բացման ժամանակ, հայտարարել է ՀՀ վարչապետ Նիկոլ Փաշինյանը: Սա՛ այն դեպքում, երբ տեսական ժամանակ է՝ իշխանություններն առաջ են տանում խաղաղության թեզը՝ ասելով, թե հնարավոր է խաղաղության դարաշրջան բացել Ադրբեջանի հետ: 2022 թվականի մայիսի 12-ին Նիկոլ Փաշինյանը հայտարարել էր. «Մենք խաղաղության օրակարգ որդեգրելու եւ իրականացնելու մանդատ ենք ստացել մեր ժողովրդից նախորդ տարի տեղի ունեցած արտահերթ խորհրդարանական ընտրություններում, որը միջազգային հանրության կողմից միանշանակ գնահատվել է որպես ազատ եւ ժողովրդավարական չափանիշներին համապատասխան: Եվ մենք վճռական ենք այդ օրակարգը լիարժեք իրականացնելու, վճռական ենք մեր երկրի եւ մեր տարածաշրջանի համար խաղաղ զարգացման դարաշրջան բացելու առումով»: Իր հերթին այս տարվա հոկտեմբերին ՀՀ անվտանգության խորհրդի քարտուղար Արմեն Գրիգորյանը հայտարարում էր. «Կա պայմանավորվածություն մինչեւ տարեվերջ Ադրբեջանի հետ ստորագրել խաղաղության պայմանագիր, դեփիտացնել հայ-ադրբեջանական սահմանը»: Ադրբեջանի հետ խաղաղության պայմանագիր կնքելը որպես նպատակ այլ առիթներով բազմիցս բարձրաձայնել է նաեւ Նիկոլ Փաշինյանը: Ստացվում է՝ մի կողմից՝ Նիկոլ Փաշինյանը խոսում է խաղաղության դարաշրջան բացելու մասին, մյուս կողմից՝ ադրբեջանական կողմի ագրեսիվ գործողությունները շարունակվում են: Սա իր հերթին նշանակում է, որ Նիկոլ Փաշինյանն ունակ չէ կատարելու իր խոստումները, եւ իր հայտարարությունները մանիպուլացնող բնույթ ունեն:

Երեանի քաղաքապետարանը 21-րդ դարում չի հրաժարվում խորհրդային ավտոմեքենաներից, ավելի կոնկրետ՝ «ժիգուլիներից»: ArmLur.am-ը տեղեկացավ, որ քաղաքապետարանի աշխատակազմը մտադիր է վարձակալել թվով 8 տրանսպորտային միջոց, եւ այդ նպատակով քաղաքապետարանը մտադիր է ծախսել 33 մլն 504 հազար դրամ: Այսպես, մեզ պաշտոնական փաստաթղթերից հայտնի դարձավ, որ քաղաքապետարանի աշխատակազմին հաջորդ տարվա համար տրանսպորտային միջոցներով ապահովելու նպատակով անհրաժեշտ է վարձակալությամբ տրամադրել հետեւյալ մակնիշի ավտոմեքենաները՝ 2008 թվականի արտադրության «Նիսսան X-Տեռա», 2007թ. արտադրության «Գազ-3102-501», 2004թ. արտադրության «Վազ-21214», 2006թ. արտադրության «Գազ-31105-120», 2012թ. արտադրության «Կիա Սեռատո, 2003թ. արտադրության «Գազ-3102»: Իհարկե, փաստաթղթերով քաղաքապետարանը պահանջել է՝ վարձակալության ողջ ժամանակահատվածում ավտոմեքենաները պետք է լինեն տեխնիկապես սարքին եւ արտաքինից լավ վիճակում, որպեսզի շաբաթվա մեջ՝ 5-օրյա աշխատանքային գրաֆիկով, իսկ անհրաժեշտության դեպքում նաեւ շաբաթ, կիրակի եւ տոն օրերին օգտագործվեն: Հարց է՝ ինչքանով կարող է 2004 թվականի սովետական արտադրության ավտոմեքենան որակյալ ծառայություն մատուցել: ArmLur.am-ը տեղեկացավ, որ քաղաքապետարանը նախատեսում է նաեւ հաջորդ տարվա համար վարձակալել թվով 2՝ 2014թ. արտադրության «IRAN KHODRO TU5 1.6» մակնիշի ավտոմեքենա: Այս երկու ավտոմեքենայի վարձակալության համար քաղաքապետարանը նախատեսում է ծախսել 14 մլն 496 հազար դրամ գումար: Չի բացառվում, որ այս ավտոմեքենաները ինչ-որ մեկին են պատկանում, որոնց դիմաց 650 հազար ԱՄՆ դոլար ամանորյա զարդարանքի վրա ծախսող քաղաքապետարանը գումար է դուրս գրում: Հարց է մտում արդյոք 21-րդ դարում արդյունավետ է «Վազ 21»-ով երթեկեկելը:



ՀՀ ոստիկանությունը դեռ նախարարություն չի դարձել, բայց Նիկոլ Փաշինյանի թիմում արդեն նախարարի փնտրտուք եւ թեկնածուների լրբեխնդհ գործընթաց է մեկնարկել: «Ժողովուրդ» օրաթերթը կառավարությանը մոտ կանգնած իր աղբյուրներից տեղեկացավ, որ այս պահի դրությամբ 4 թեկնածուի անուն է շրջանառվում իբրեւ ներքին գործերի ապագա նախարար՝ ՊՎԾ ղեկավար Ռոմանոս Պետրոսյան (որը կառավարության մի մասում ունի աջակցություն), ԱԻ նախարար Արմեն Փամբուխչյան (որը «Քաղաքացիական պայմանագիր» կուսակցության վարչությունում ունի համակիրներ (ԱԻՆ-ը լուծարվում է, մտնում ՆԳՆ տիրույթ)), ԱԺ ԶՊ պատգամավոր Արմեն Խաչատրյան (որը խորհրդարանում ունի աջակցություն)՝ ի դեմս ԱԺ պաշտպանության եւ անվտանգության հարցերով մշտական հանձնաժողովի մի քանի անդամների) եւ ՀՀ ոստիկանապետ Վահե Ղազարյան, որին ՀՀ կառավարությունից վստահեցրել են, թե հենց նա է լինելու ՆԳ ապագա նախարարը (սրա եւ Նիկոլ Փաշինյանի միջեւ մտերմությունն առանձնակի ջերմություն ունի): Ահա այսպես, Լաչինի միջանցքը փակ էր, Արցախը գտնվում է հումանիտար աղետի շեմին, սակայն ԶՊ-ում ՆԳ նախարարի փնտրտուք է:



ՀԱՊԿ ԱԽ խորհրդի հյուրանոցային կեցության եւ հյուրասիրության ծառայություններ անցկացնելու համար ՀՀ արտաքին գործերի նախարարության պետական արարողակարգի ծառայությունը 2 մլն 80 հազար դրամի չափով պայմանագիր է կնքել «Երեւան» հյուրանոցի հետ: Մեկ այլ պայմանագրով՝ «Ա.Մ.Ջ.-111» ՍՊԸ-ից կատարվել է 7 մլն 457 հազար դրամի գնում՝ ՀԱՊԿ ԱԽ խորհրդի նիստի շրջանակներում տրանսպորտային ծառայություններ իրականացնելու համար: Կրկին ՀԱՊԿ ԱԽ խորհրդի հյուրանոցային կեցության եւ հյուրասիրության ծառայություններ անցկացնելու համար ՀՀ արտաքին գործերի նախարարության պետական արարողակարգի ծառայությունը մեկ այլ պայմանագիր է կնքել «Գոլդեն Փելիս» հյուրանոց՝ ՍՊԸ-ի հետ, որն այս անգամ արժեք է 6 մլն 595 հազար դրամ: «Սարգիս Միջայելյան» ԱԶ-ի հետ էլ կնքված 1 մլն 450 հազար դրամ արժողությամբ պայմանագրով իրականացվել են տեխնիկական աշխատանքներ, օրինակ՝ 15 հատ դրոշակաձող է գնվել, եւ իրականացվել է դրոշների վերանորոգում: Այս պահին առկա տվյալների համաձայն՝ ստացվում է, որ ՀԱՊԿ ԱԽ խորհրդի նիստն այստեղ անցկացնելու նպատակով ՀՀ արտաքին գործերի նախարարության պետական արարողակարգի ծառայությունը ՀՀ պետական բյուջեից ծախսել է 17 մլն դրամից ավելի գումար, եւ ամեն ինչ իրականացվել է «մեկ անձից գնումներ» սկզբունքով, հենց նույն սկզբունքով, որից ժամանակին դժգոհում էին ներկայիս իշխանությունները, համարում կոռուպցիայի որջ: Հիմա Նիկոլ Փաշինյանը նույն կոռուպցիոն մեխանիզմներով է կառավարում բոլոր ոլորտները, ինչ նախկինում քննադատում ու մերժում էր:



ՍԱԴՐԱՆՔՆԵՐ

ԼՈՒՌ ՀԱՄԱՁԱՅՆՈՒԹՅԱՆ ՆԵՐՔՈ

ՀՀ Ազգային ժողովի «Պատիվ ունեն» խմբակցության ֆարսուղար Տիգրան Աբրահամյանն այն ժամանակին է, որ թեև ՀՀ իշխանություններն այս դասին Արցախում սեղի ունեցող իրադարձությունները (երեկ առավոտվանից փակ է Մեծիամակերս-Գորիս ավտոճանապարհը) փորձելու են բացառադեպ ռուս խաղաղադատագիտների դասասխանակցության դառն գցել, բայց դարձ է, որ ամեն դեպի իշխող «Քաղաքացիական դաշինք» կուսակցության լուր համաձայնությամբ է սեղի ունենում: «Ժողովուրդ» օրաթերթը ստեղծված իրավիճակի շուրջ գրուցել է ՀՀ Ազգային ժողովի «Պատիվ ունեն» խմբակցության ֆարսուղար Տիգրան Աբրահամյանի հետ:



Նելու պահին-խմբ.: Ինչու է չեն արձագանքում: Ի վիճակի չեն:

«Պարոն Աբրահամյան, ադրբեջանցիները կրկին փակել են Հայաստան Արցախին կապող միակ մայրուղին: Դուք ի՞նչ տեղեկություններ ունեք եւ ի՞նչ գնահատական եք տալիս կատարվածին:

«Իրավիճակը իսկապես բարդացել է: Դա այսօրվա վերջին օրվա է այն հանգամանքով, որ ճանապարհի մեջտեղում վրաններ էին տեղադրվել: Ադրբեջանը, բնականաբար, փորձում է նաեւ ուժ ցույց տալ, եւ ադրբեջանական զորքերը եւս կարող են միջամտություն ցույց տալ: Անկախ այն հանգամանքից, թե այս ակցիան ինչ քողի ներքո է իրականացվում, ակնհայտ է, որ Ադրբեջանը սկսել է տարբեր սադրանքներ իրականացնել: Ադրբեջանը երկու պահանջ է ներկայացրել՝ առաջինը՝ այդ ճանապարհին ռեւոլյուցիոն-սարքեր տեղադրել եւ վերահսկել բեռնափոխադրումները, իսկ երկրորդը՝ բնապահպանական խնդիրների ներքո (ինչը շինծու է) փորձ է արվում կանգնեցնել հանքարդյունաբերական ընկերությունների աշխատանքը: Դա մեծաթիվ վնասներ կհասցնի, սակայն սա չէ գլխավոր նպատակը, եւ Ադրբեջանը փորձում է մի քանի թեւերով աշխատել:

«Հայաստանի իշխանություններից մինչեւ այս պահը որեւէ արձագանք չկա, բացի հատուկ հանձնարարություններով դեսպան էրմին Մարուքյանի հայտարարություններից (հարցազրույցն անցկաց-

վեց եւ իրենց ձեռքերը լվանալ այս ամեն ինչից եւ նայել միայն դիտորդի կարգավիճակում: Հայաստանի եւ Արցախի անելիքներն այստեղ իրոք մեծ են: Հայաստանի իշխանությունների այս պատիվ պահվածքը ցույց է տալիս, որ այս ամենը տեղի է ունենում իրենց լուր համաձայնության ներքո: «Զեք բացառում, որ եթե ռուս խաղաղապահները փորձեն ուժի միջոցով ճանապարհ բացել, ապա ադրբեջանցիներն էլ իրենց հերթին ուժ կկիրառեն, եւ բախումներ կսկսվեն: Ի՞նչ վտանգներով է հոյի այս ամեն ինչը: «Բնական է, որ ամեն ինչ պետք է անել այս իրավիճակը խաղաղ հանգուցալուծման բերելու համար, սակայն սա չի նշանակում, որ Ադրբեջանը պետք է ճանապարհ փակի, սարդանքների դիմի, եւ դա կանխելու համար սկսենք նրանց պահանջները բավարարել: Իրավիճակին պետք է շատ լրջորեն վերաբերվել: Այս պահին միայն հայտնի է հեռախոսազրույցների մասին: Միայն արձագանքելով բավարարվել սխալ է, եւ այս տեղի ունեցածի հիմքը շատ ավելի վաղ է դրված: Զրուցեց ՍԵՎԱԿ ՎԱՐՈՒՄՅԱՆԸ

ՅԵՏԵՎԱՆՔՆԵՐ

ԲԱՔՐՈՒՆ ՆՈՏԱ Է ՀՂԵԼ ՄՈՍԿՎԱ

Ադրբեջանի արտաքին գործերի նախարարությունը հուսահատված կարգաբարձի տարածում սեղի ունեցած իրադարձությունների հետ. այս մասին հայտարարել է Ադրբեջանի արտաքին գործերի նախարարության մամուլի ծառայության ղեկավար Ալիսան Հաջիգադեին:

Նա նշել է, որ նոտայում ընդգծվում է «ռուսական խաղաղապահ կոնտինգենտի կողմից Ադրբեջանի ինքնիշխանության եւ տարածքային ամբողջականության՝ դարաբաղյան շրջանում իր գործունեության խստով պահպանության անհրաժեշտությունը»:

«Ադրբեջանական կողմը բազմիցս դիմել է ռուսական խաղաղապահ զորամիավորման հրամանատարությանը՝ կանխելու բնական ռեսուրսների ապօրինի շահագործումը ադրբեջանական տարածքներում, որտեղ ժամանակավորապես տեղակայված է ռուսական խաղաղապահ զորամիավորումը, նաեւ վերացնելու միջավայրի համար բացասական ազդե-

ցության հետեւանքները: Շատ դեպքերում ադրբեջանական կողմի այս հորդորները մնացել են անպատասխան: Խաղաղապահները ոչ մի միջոց չեն ձեռնարկել կանխելու Ադրբեջանի կողմից բնական ռեսուրսների ապօրինի շահագործումը»,- ասել է Հաջիգադեին:

Վերջինս նաեւ նշել է, որ, Ադրբեջանի ստացած տեղեկությունների համաձայն, իբր, աճում է բնական ռեսուրսների, հատկապես՝ ոսկու հանքավայրի եւ պղնձամոլիբդենային հանքավայրի «ապօրինի շահագործումն ու թալանը, ինչպես նաեւ բնապահպանական իրավիճակի սրումը»: «Դեկտեմբեր ամսից բանակցություններ են ընթացել Ադրբեջանի համապատասխան պետական կառույցների ներկայացուցիչների եւ ռուսական խաղաղապահ կոնտինգենտի միջեւ: Ձեռք բերված պայմանավորվածության համաձայն՝ դեկտեմբերի 10-ին Ադրբեջանի ներկայացուցիչները փորձել են այդտեղ այս երկու տարածքներ, որտեղ «ապօրինի հանքարդյունաբերություն» է իրականացվում, սակայն այդ ուղեւորու-

թյունը կանխվել է: Այն ֆոնին ռուսական խաղաղապահ զորամիավորումը ոչ մի գործողություն չի ձեռնարկել, ուղեւորությունը կանխվել է տեղի բնակիչների նախապես ծրագրված գործողությամբ: Այդ կապակցությամբ Ադրբեջանի ԱԳՆ-ն նոտա է հղել ռուսական կողմին: Մենք եւս մեկ անգամ կոչ ենք արել թույլ տալ անարգել մուտք գործել այդ դաշտեր»,- ասել է Հաջիգադեին:

Հիշեցնենք, որ մեկ շաբաթ առաջ Արցախը Հայաստանին կապող մայրուղին ադրբեջանցիները բնապահպանական ակցիայի տակ պահեցին ավելի քան երեք ժամ եւ պատճառաբանությամբ, թե Արցախում օգտակար հանածոներն ապօրինի շահագործում են բնապահպանական ռիսկերով: Հիշեցնենք նաեւ՝ երեկ հայտնի դարձավ, որ ադրբեջանական կողմի՝ Դրմբուսի եւ Կաշիկի հանքավայրեր այցը համաձայնեցված չի եղել ԱԶ իշխանությունների հետ, եւ ՌԴ խաղաղապահ զորամիավոր կողմից որոշում է կայացվել դադարեցնել շրջայցը

ՆԱԻՐԱ ՀՈՎԱՆՆԻՍՅԱՆ

«ՎԻՊՈՒՄԸ» ԶԻ ՀԱՆԴՈՒԹԵԼ

Բրյուսովի անվան պետական համալսարանի ռեկտորի ընտրությունից հետո կառավարական կաթնիտում միանգամից երկու հրաժարական եղավ: Նախ՝ ԿԳՄՍ Նախարար Վահրամ Դումանյանը, այնուհետեւ ՀՀ փոխվարչապետ Համբարձում Մաթեոսյանը հայտարարեցին, որ հրաժարականի դիմում են գրել: ArmLur.am-ը երեկ գրել էր, որ թե՛ Նախարարի, թե՛ փոխվարչապետի (վերջինս նաեւ Բրյուսովի անվան համալսարանի հոգաբարձուների խորհրդի նախագահն է) հրաժարական ներկայացնելն ուղիղ կապված է ԲԳԶ-ի ռեկտոր Կարինե Հարությունյանի վերընտրվելու հետ, քանի որ իշխող քաղաքական թիմն ու անձամբ Նիկոլ Փաշինյանը հրահանգած են եղել, հետեւաբար նաեւ ակնկալել են, որ իրենց ցանկալի թեկնածուն՝ Լեզվի կոմիտեի նախագահ Դավիթ Գյուրջիկյանը պետք է ռեկտոր ընտրվի: «Ժողովուրդ» օրաթերթը տեղեկացավ, որ ռեկտորի ընտրությունների ժամանակ նիստը վարող փոխվարչապետ Մաթեոսյանը խիստ լույսալույս է ապահովել: Անընդհատ շեշտել է, որ պետք է արդար ու անկողմնակալ ընտրություն կազմակերպել: Կարճ ասած, տպավորություն է ստեղծել, որ ինքը որեւէ մեկի կողմից չէ: «Բավական հեռաքցրվել է հոգաբարձուների խորհրդի անդամ, ԿԳՄՍ փոխնախարար Ժամնա Մարտեոսյանի քվեարկությունը: Այն, իհարկե, գաղտնի է եղել, ու որեւէ մեկը հաստատ չի կարող ասել՝ ինչպես եւ ում օգտին է քվեարկել տիկին փոխնախարարը, բայց չի բացառվում, որ Հարությունյանի թեկնածությունը Անդրեասյանը նույնպես կարող էր կողմ քվեարկել, որպեսզի ներիշխանական ինտրիգներ հյուսվեն, ու ինքը վերջապես կարողանա զբաղեցնել Նախարարի աթոռը: Իհարկե, իր քվեարկության մասին միայն ինքը գիտի, բայց այս սցենարը նույնպես բացառելի չի կարելի, քանի որ բուհում ներքին խոսակցություններն այնպիսին են եղել, որ ձայներն, ըստ երեւոյթին, հավասար՝ 10/10 հարաբերակցությամբ կբաշխվեն, ու հարցը փակուղի կմտնի: Բայց, փաստորեն, 12/8 հարաբերակցությամբ Հարությունյանը վերընտրվել է»,- ասաց «Ժողովուրդ» օրաթերթի՝ բուհին մոտ կանգնած աղբյուրը: Իհարկե, չի բացառվում, որ Համբարձում Մաթեոսյանի հրաժարականի պատճառներից նաեւ իշխող «Քաղաքացիական պայմանագիր» կուսակցության վարչության կազմի խայտառակ ընտրությունները լինեն. այս մի «վրիպում» նույնպես իշխանությունը չի հանդուրժել:

«KATAՄՅԱՏՈՐ»-ՆԵՐԸ ՀԱՆՈՒՄ ԵՆ

«Ժողովուրդ» օրաթերթի տեղեկությունների համաձայն՝ ՀՀ պետական վերահսկողական ծառայությունը ստուգում է բոլոր պետական կառույցներին եւ պաշտոնյաներին կցված ավտոմեքենաները: Բանն այն է, որ ՊՎԾ-ն կասկածներ ունի, որ մի քանի պաշտոնյաների մեքենաների խլացուցիչները կամ բոլորին հայտնի «kamalyasator»-ները գողացել են ու վաճառել, գումար աշխատել: Բանն այն է, որ այս տարվա նոյեմբերի 28-ին ՊՎԾ-ն պաշտոնապես հայտարարեց, որ վերահսկողական գործառնությունների իրականացման ընթացքում ստացվել են տվյալներ, որ ՀՀ տարածքից ավտոմեքենաների խլացուցիչների օգտագործված կատալիտիկ չեզոքացուցիչները (kamalyasator) թանկարժեք մետաղներ պարունակող կերամիկական թափոնների արտահանման, ինչպես նաեւ այդ գործընթացում եւ թափոնների առուվաճառքի ոլորտում առկա են խնդիրներ, ինչի կապակցությամբ նախաձեռնվել է իրականացվել են վերահսկողական գործառնություններ: Ըստ ՊՎԾ-ի՝ արձանագրվել են առերեսույթ հանցագործության հատկանիշներ պարունակող խախտումներ, դրանց արդյունքների վերաբերյալ կազմված տեղեկանքները ներկայացվել են ՀՀ գլխավոր դատախազություն՝ հետագա ընթացքն ապահովելու համար:

ԻՐԱՎԻՃԱԿ

ՀԱՅ ԳԵՐԻՆԵՐ

ՀՐԱՏԱՊ ԳՐՈՒԹՅՈՒՆՆԵՐ՝ ՄԻՋԱԶԳԱՅԻՆ ԿԱՌՈՒՅՑՆԵՐԻՆ

ԱՆԿՈՒՄԱՅԻՆ ՏՐԱՄԱԳՐՈՒԹՅԱՐԸ

Աժ «Քաղաքացիական պայմանագիր» խմբակցության պատգամավոր Տրդատ Սարգսյանի հարսանեկան արարողությունը տեղի է ունեցել «Դվին» ռեստորանային համալիրում, քավորն էլ եղել է ՀՀ պաշտպանության նախարար Սուրեն Պապիկյանը: «Ժողովուրդ» օրաթերթի տեղեկություններով՝ ՀՀ վարչապետ Նիկոլ Փաշինյանը, Սուրեն Պապիկյանը, արտաքին գործերի նախարար Արարատ Միրզոյանը նստել են մի սեղանի շուրջ իրենց կանանց հետ: Տեղեկացանք, որ ՀՀ վարչապետ Նիկոլ Փաշինյանը անտրամադիր է եղել, ոչ մեկի հետ չի խոսել եւ, կարծես թէ, նրա մասնակցությունը հարսանեկան արարողությանը ձեռնարկ է եղել: «Ժողովուրդ» օրաթերթի տեղեկություններով՝ բոլոր ներկա ՔՊ-ականների համար զարմանալի է եղել, որ Տրդատ Սարգսյանը կարող էր իրեն այդպիսի ճոխ հարսանեկան արարողություն թույլ տալ: Ներկաները միաբերան ընդգծել են, որ հարսանեկան արարողությունն իսկապես շքեղ եւ ճոխ է եղել: Ընդգծելք նաեւ, որ Տրդատ Սարգսյանի հարսանեկան արարողության հյուրերը երկար չեն մնացել, եւ դրա պատճառներից մեկն այն է եղել, որ Նիկոլ Փաշինյանն է անտրամադիր եղել: Ներկաների մի հատվածն ասում է, թէ սահմանային լարված իրավիճակն է նրա տրամադրության անկման պատճառը եղել: հենց այդ օրն են փոխվարչապետ Համբարձում Մաթեոսյանն ու ԿԳՄՍ նախարար Վահրամ Դումանյանն իմացել, որ իրենք պետք է ինքնակամ հրաժարական տան եւ հեռանան մեկը փոխվարչապետի, մյուսը՝ նախարարի պաշտոնից: Դումանյանը հարսանեկան արարողությանը ներկա է եղել դատեր հետ: Եթե ամփոփելու լինենք, ապա կարող ենք ընդգծել, որ հարսանեկան արարողությանը ներկա բոլոր պաշտոնյա հյուրերն անտրամադիր են եղել:

ՀԱՅՅԸ ՄԵՐԺՎԵԼ Է

ՀՀ առողջապահության նախարար Անահիտ Ավանեսյանի ընտանիքում «կրիվ է ընկել»: Նախարարի ընտանիքին պատկանող ընկերությունը՝ «Արմֆարմացիա»-ն, դիմել է Մրցակցության պաշտպանության հանձնաժողով եւ խնդրել Առողջապահության նախարարության նկատմամբ տնտեսական մրցակցության բնագավառում հնարավոր իրավախախտման վերաբերյալ վարույթ հարուցել արգելված պետական օժանդակության եւ պետական մարմինների եւ դրանց պաշտոնատար անձանց հակամրցակցային գործողությունների կամ վարքագծի հատկանիշներով: «Ժողովուրդ» օրաթերթը տեղեկացավ, որ Վանաձորի եւ Գորիսի բժշկական կենտրոնների կողմից կազմակերպված գնումների մրցույթների հարթող ճանաչվել է դեղ ներմուծող եւ վաճառող «Վազա ֆարմ»-ը, ինչը դժգոհություն է առաջացրել «Արմֆարմացիա»-ի մոտ: Այս ընկերությունը դիմել է Առողջապահության նախարարություն եւ հայտնել, որ «Վազա ֆարմ»-ի կողմից գնման պայմանագրերով նախատեսված եւ մատակարարված «Ֆրաքսիպարին» դեղը գրանցման հավաստագրի իրավատիրոջ մասով չի համապատասխանում ՀՀ-ում գրանցված նույնանուն դեղի դեղի գրանցման իրավատիրոջը, եւ պահանջել է պարզաբանում տալ: Իր հերթին նախարարությունից պարզաբանել են, որ «Վազա ֆարմ» ընկերության կողմից ներմուծվող «Ֆրաքսիպարին» դեղի գրանցման վավերապայմանները, բացառությամբ գրանցված հավաստագրի իրավատիրոջ վերաբերյալ տեղեկատվության, համապատասխանում են ՀՀ-ում գրանցված նույնանուն դեղի վավերապայմաններին: Այս պատասխանից հետո «Արմֆարմացիա»-ն դիմել է հանձնաժողով, սակայն անպտուղ: Ըստ հանձնաժողովի՝ նախարարության կողմից «Վազա ֆարմ» ընկերությանը պետական օժանդակության տրամադրման փաստը հաստատված չէ, եւ որոշվել է Առողջապահության նախարարության կողմից տնտեսական մրցակցության բնագավառում իրավախախտման վերաբերյալ վարույթի հարուցումը մերժել:

Աժ մարդու իրավունքների դաշտում և հանրային հարցերի մեծահասակ հանձնաժողովի նախագահ, անկուսակցական Թագուհի Թովմայանը գրում է. «2020 թվականի նոյեմբերի 10-ից ադրբեջանցի զինվորականների կողմից գերեվարված Վիզեն Էույջեֆյանի կինը՝ Լինդա Էույջեֆյանը, ահազանգել է, որ գերեվարված Վիզեն Էույջեֆյանը ենթարկվում է ծեծի, խոցանազույցների, անմարդկային եւ դաժան վերաբերմունքի եւ ունի հրատապ օգնության կարիք: 1 շաբաթ առաջ էլ Վիզենի հետ խոսել է մայրը՝ Վերջինս դնում է, որ որդու կյանքին վստահ է ստառնում, քանի որ հիվանդ է եւ հրաժարվում է սնունդ ընդունել. Վիզենը 95 կգ էր, ադրբեջանի բանակային ընթացքում դարձել է 45 կգ: Հեռախոսագրույցի ընթացքում որդին խնդրել է մորը փրկել իրեն, ազատել մահից:

Ադրբեջանական այս հանցագործություններն ամբողջությամբ խախտում են «Ռազմագերիների հետ վարվելակերպի մասին» 1949 թվականի օգոստոսի 12-ի ժնեյի կոնվենցիայով ամրագրված արգելքները: Մասնավորապես՝ Կոնվենցիայում արձանագրված է, որ ռազմագերիների հետ պետք է մշտապես վարվել մարդասիրաբար: Գերության մեջ պահող տերության ցանկացած ակտը կամ անգործությունը, որոնք հարուցում են նրա իշխանության տակ գտնվող ռազմագերու մահը, կամ ռազմագերու առողջությունը դնում լուրջ սպառնալիքի տակ, արգելվում են եւ կոխտվեն որպես սույն Կոնվենցիայի լուրջ խախտումներ: Գերության մեջ պահող տերությունը պարտավոր է անվճար ապահովել ռազմագերիների պահպանումը ու նաեւ բժշկական օգնությունը, որ կպահանջի նրանց առողջական վիճակը: Օրական հիմնական կերաբաժինն իր որակով, քանակով, բազմազանությամբ պետք է բավարար լինի այն բանի համար, որպեսզի պահպանվի ռազմագերիների առողջության բարվոք վիճակը, եւ թույլ չտրվեն նրանց քաջի կորուստ կամ երեսույթներ՝ կապված սննդի անբավարար լինելու հետ: Գերության մեջ պահող տերությունն է պատասխանատվություն կրում ռազմագերիների հետ վարվելակերպի համար, ուստի հրատապ գրություններ են ուղարկել միջազգային իրավասու օղակներին, որոնցով՝



գերիների հետ վարվելակերպի համար, ուստի հրատապ գրություններ են ուղարկել միջազգային իրավասու օղակներին, որոնցով՝

- պահանջել են հստակ քայլեր եւ թիրախային գնահատական հայ գերի Վիզեն Էույջեֆյանի նկատմամբ կատարվածի վերաբերյալ,
- խնդրել են իրենց ուժերի առավելագույնը ներդնել հայ ռազմագերիների հայրենադարձման գործընթացը հնարավոր ուստ կամ երեսույթներ՝ կապված սննդի անբավարար լինելու հետ:

- խնդրել են միջնորդել իմ եւ Վահե Էույջեֆյանի հեռախոսային գրույցի կազմակերպմանը:

Միջազգային կառույցներին եւս մեկ անգամ ահազանգում են հայ ռազմագերիների եւ քաղաքացիական անձանց հայրենադարձումը ժնեյան կոնվենցիայով սահմանված պարտավորություն է Ադրբեջանի համար, որի իրականացման համար ձեռավորվել է միջազգային հանրության ուղիղ միջամտության հրատապ անհրաժեշտությունը՝ ի պաշտպանություն հայ ռազմագերիների եւ քաղաքացիական անձանց կյանքի իրավունքի: Գործեք, քանի դեռ շատ ուշ չէ»:

ՕՐՎԱ ԽՃԱՆԿԱՐ ԵՆՇԱՆԱԿԻ ՎԱՐՉԱՊԵՏԸ

Ռեկտեմբերի 8-ի կառավարության նիստում վարչապետը խոսեց «Արտաքին հետախուզական գործունեության եւ արտաքին հետախուզության ծառայության մասին» օրենքի եւ հարակից օրենքների նախագծերի փաթեթի մասին: Ըստ այդմ՝ Հայաստանում կստեղծվի արտաքին հետախուզական ծառայություն, որը կգործի վարչապետի ենթակայության ներքո: «Նախագծի անցումային դրույթներում նախատեսվում է կարգավորում այն մասին, որ արտաքին հետախուզության ծառայության ստեղծմանն ու կայացմանն ուղղված օրենսդրական փաթեթի ընդունումից 3 տարի անց արտաքին հետախուզական գործունեություն իրականացնող մյուս մարմինները եւ ստորաբաժանումները կդադարեն այդպիսի գործունեություն իրականացնել՝ այս գործառնությամբ ամբողջովին փոխանցելով նոր ծառայությանը», - այդ ժամանակ նիստին նշել էր ՀՀ արդարադատության նախարարի պաշտոնակատար Գրիգոր Մինասյանը: Համապատասխան նախագիծն արդեն ներկայացվել է Ազգային ժողով: Հիմնավորման մեջ նաեւ նշվում է, որ տարածաշրջանում միայն Հայաստանն է, որ առայժմ չունի առանձին հետախուզական ծառայություն: Օրենքի հոդված 18-ն ամրագրում է, թե ով է իրավասու նշանակել արտաքին հետախուզության պետին:

«Հոդված 18. Ծառայության ծառայողներին պաշտոնի նշանակումը

1. Ծառայության պետին պաշտոնի նշանակում է պաշտոնից ազատում է վարչապետը:
2. Ծառայության պետի տեղակալներին Ծառայության պետի առաջարկությամբ պաշտոնի նշանակում է պաշտոնից ազատում է վարչապետը:

Նկատելով, որ թե՛ Պաշտպանության նախարարությունում, թե՛ Ազգային անվտանգության ծառայությունում գոյություն ունեն համանուն գործառնություն իրականացնող ստորաբաժանումներ, որոնցում ծառայությունը հանդիսանում է զինվորական ծառայություն, առկա է քաղաքական որոշում՝ ստեղծել պետական ծառայության նոր տեսակ, որը չի հանդիսանա զինվորական ծառայություն: Հնարավորություն կընձեռնվի Արտաքին հետախուզության ծառայությունը համալրել նաեւ

այլ գերատեսչություններում աշխատող հանրային ծառայողներով:

ՆԱԽՐԱ ՀՈՎՅԱՆՆԻՍՅԱՆ

ՊՈՒՏԻՆ-ԱԼԻԵՎ ՀԵՌԱՄՈՍԱԶՐՈՒՅՑ

Ռուսաստանի Դաշնության նախագահ Վլադիմիր Պուտինը հեռախոսազրույց է ունեցել Ադրբեջանի նախագահ Իլիհամ Ալիևի հետ: Այդ մասին հայտնում են Կրեմլի մամուլի ծառայությունից:

Երկու երկրների ղեկավարներն անդրադարձել են դարաբաղյան հարցի շուրջ առկա բանակցություններին: «Քննարկվել են Ռուսաստանի, Ադրբեջանի եւ Հայաստանի ղեկավարների՝ 2020 թվականի նոյեմբերի 9-ին, հունվարի 11-ին եւ նոյեմբերի 26-ին ձեռք բերված պայմանավորվածությունների ընթացքը՝ ներառյալ տնտեսական եւ լոգիստիկ կապերի վերականգնումը Կովկասում», - ասվում է հայտարարությունում: Հաղորդագրության մեջ նշվում է, որ երկու երկրների ղեկավարները պայմանավորվել են շարունակել բանակցությունները:

ՀԱՍԱՐԱԿՈՒԹՅՈՒՆ

ՄԱՐԶ

ԱՂՔԱՏՈՒԹՅՈՒՆԵՐ ԱՃԵԼ Է

Տավուշի մարզպետարանի ինտերնետային, պաշտոնական կայքը հայտնում է. «Դեկտեմբերի 8-9-ը Տավուշի մարզպետարանի հանդիսությունների դահլիճում եւ կից ուսումնական կենտրոնում կազմակերպվել էր «Բազմաչափ աղքատություն. թվեր, համայնքներ, պատկերներ» տվյալների ցուցահանդես: Ցուցահանդեսի նպատակն էր հանրամատչելի ձևով ներկայացնել աղքատության եւ սոցիալական ծառայությունների վերաբերյալ Տավուշի մարզում իրականացված հետազոտությունների արդյունքները: Մուտքն ազատ էր: Ցուցահանդեսի մասնակիցները ինտերակտիվ ձեւաչափով ծանոթացան արդյունքներին, մեթոդաբանությանն ու քննարկեցին ոլորտի վերաբերյալ իրենց հուզող հարցերը: Ցուցահանդեսը կյանքի է կոչվել Եվրոպական միության ֆինանսավորմամբ իրականացվող «Աղքատության նվազեցում համայնքներում. կիրառական մոտեցումներ» 3-ամյա ծրագրի շրջանակներում: Սնդակաբեռի եւ այլ ապրանքների, տարբեր ծառայությունների գնաճի, Տավուշի մարզում աճեցրած գյուղատնտեսական մթերքների իրացման դժվարությունների պատճառով Տավուշում վերջին տարիներին աղքատությունն ավելի է աճել: Տավուշի մարզպետարանի շենքի տարածքում բացված ցուցահանդեսի մուտքը ազատ չէր կարող լինել, քանի որ Նիկոլ Փաշինյանի դասընկեր, նրա հարսանիքի քավոր, Նիկոլ Փաշինյանի որոշմամբ 2021թ. ապրիլի 8-ին Տավուշի մարզպետ նշանակված Հայկ Ղալումյանի օրոք մարզպետարանի շենքի առաջին հարկում մետաղյա արգելափակոց են տեղադրել՝ փակելով քաղաքացիների մուտքը:

ՃԱՆԱՊԱՐՀԱՅԻՆ ԶՈՒԳԱՐԱՆՆԵՐ

Դիլիջան-Սեւան ավտոմոբիլային թունելի մուտքի մոտ գտնվող երկու փակ զուգարանները մեր կենցաղային անտիմշակույթի նյութական վկայություններ են: Զուգարաններից մեկը կառուցվել է տարիներ առաջ ինչ-որ ծրագրով, այն երկու մուտք ունի՝ տղամարդկանց եւ կանանց համար: Մյուս զուգարանը թիթեղից սարքված անշուք պետքարան է: Ծանապարհային դեպարտամենտին չի մտահոգում, որ միջպետական ավտոճանապարհի եզրին գտնվող զուգարանները տարիներ շարունակ փակ են: Տավուշի մարզում զբոսաշրջիկների համար մեծ հետաքրքրություն ներկայացնող հուշարձաններ կան՝ Հաղարծին եւ Գոշավանք վանական համալիրները, Մակարավանքը եւ այլն, այդ ճանապարհով նաեւ շատ օտարերկրացի զբոսաշրջիկներ են երթելու: Կառավարության եւ Էկոնոմիկայի նախարարության շենքերի զուգարանները պետական բյուջեի տասնյակ միլիոնավոր դրամներով վերանորոգում են, իսկ միջպետական ավտոճանապարհի եզրին գտնվող զուգարանները ո՛վ պետք է նորոգի, դրանց տիրություն անի:

ՈՍԿԱՆ ՍԱՐԳՍՅԱՆ
Տավուշ

ԱՆԿԱՆԻԿ ԿՃԱՐՈՒՄՆԵՐ

ՓՈՓՈԽՈՒԹՅՈՒՆՆԵՐ՝ ԿԵՆՍԱԹՈՇԱԿՆԵՐԻ ԾՐԱԳՐՈՒՄ

Անկանխիկ եղանակով վճարումներից կենսաթոշակառուներին հեծվճարի սրամադրումը կարունակվի մինչեւ 2023 թվականի հուլիսի 1-ը:

ArmLur.am-ը տեղեկացավ, որ ՀՀ աշխատանքի եւ սոցիալական հարցերի նախարարությունը միաժամանակ նախատեսում է ընդլայնել անկանխիկ գործառնությունների շրջանակը՝ դրանցում ներառելով ՊՈՍ-տերմինալներից բացի նմանատիպ այլ սարքերի միջոցով կատարված անկանխիկ վճարումները, օրինակ՝ ՀՀ տարածքում գործունեություն իրականացնող կազմակերպությունների կայքերի միջոցով առցանց գնումներ կատարելիս կամ առցանց կոմունալ վճարներ վճարելիս: Ի դեպ, այս տարվա սեպտեմբեր ամսին հետվճարի գումարը կազմել է շուրջ 120 մլն դրամ, հոկտեմբերին՝ 131 մլն դրամ, նոյեմբերին՝ 167 մլն դրամ:

Նշենք, որ հուլիսի 1-ից մինչեւ հոկտեմբեր ամիսն անկանխիկ գործարք են կատարել շուրջ 49 հազար 978 կենսաթոշակառուներ: Արդյունքում առկա են շուրջ 1 մլրդ 950 մլն անկանխիկ գործարքներ, որի դիմաց ՀՀ պետական բյուջեից փոխանցվել է հետվճար՝ շուրջ 195 մլն դրամ, որը յուրաքանչյուր թոշակառուի հաշվարկով կազմում է միջինը 3100 դրամ:

Նշենք, որ կենսաթոշակառուների ծախսերն ուղղվել են առաջին անհրաժեշտության ապրանքների ձեռք բերմանը՝ դեղորայք, սննդամթերք եւ կոմունալ վճարումներին:

«Պետական նպաստների մասին» օրենքում կատարված փոփոխությունների համաձայն՝ ընտանեկան ու սոցիալական նպաստների, ինչպես նաեւ հրատապ օգնության վճարումը կատարվելու է անկանխիկ եղանակով՝ բանկերի միջոցով:

Վճարող բանկն ընտրում է ընտանիքի չափահաս այն անդամը, ով ներկայացնում է համապատասխան նպաստ կամ հրատապ օգնություն նշանակելու դիմում: Բացառություն կկազմեն այն դեպքերը, երբ նպաստ կամ հրատապ օգնություն նշանակելու դիմումը ներկայացնող ընտանիքի չափահաս անդամի 75 տարին



լրացել է, կամ նա ճանաչվել է 1-ին կամ 2-րդ խմբի հաշմանդամություն ունեցող անձ: Այս դեպքում նպաստ նշանակելու դիմումը ներկայացնող անձն ինքն է ընտրում վճարման եղանակը՝ կանխիկ կամ անկանխիկ. այս մասին հայտարարություն է տարածել ՀՀ աշխատանքի եւ սոցիալական հարցերի նախարարությունը:

Համակարգը կներդրվի փուլերով. քաղաքներում եւ 1000-ից ավելի բնակիչ ունեցող գյուղերում 2023թ. փետրվարի 1-ից հետո նպաստ կամ հրատապ օգնություն նշանակելու դիմում ներկայացնելու դեպքում վճարման եղանակը կորոշվի՝ հաշվի առնելով դիմում ներկայացրած անձի տարիքը կամ 1-ին կամ 2-րդ խմբի հաշմանդամություն ունենալու կամ չունենալու հանգամանքը: Կանխիկ եղանակով ստացողները վճարման եղանակը փոխելու եւ բանկ ընտրելու համար կարող են դիմել

Միասնական սոցիալական ծառայության՝ բնակության վայրը սպասարկող տարածքային կենտրոն:

Եթե մինչեւ 2023թ. փետրվարի 1-ը ներկայացված դիմումների հիման վրա քաղաքներում եւ 1000-ից ավելի բնակիչ ունեցող գյուղերում նշանակված նպաստը կամ հրատապ օգնությունը 2023թ. փետրվարի 1-ից հետո կշարունակվեն վճարվել կանխիկ եղանակով, եւ եթե չի ներկայացվի վճարման եղանակը փոխելու ու բանկ ընտրելու դիմում, ապա 2023թ. հուլիսի 1-ից գումարները կվճարվեն բացառապես անկանխիկ եղանակով՝ ծրագրային գործիքով ընտրված բանկի միջոցով: Բացառություն կկազմեն այն անձինք, ում 75 տարին լրացել է, կամ նա ճանաչվել է 1-ին կամ 2-րդ խմբի հաշմանդամություն ունեցող անձ:

ՍՅՈՒՆԷ ՀԱՍՔԱՐԶՈՒՄՅԱՆ

ԼՈՒՐԵՐ

ՈՐԸ Է ՊԱՏՃԱՌԸ

ArmLur.am-ի տեղեկություններով՝ փոխվարչապետ Համբարձում Մաթեոսյանը հրաժարականի դիմում է ներկայացրել: Այս մասին կառավարությանը մոտ կանգնած մեր աղբյուրներն են փոխանցում: «Ժողովուրդ» օրաթերթն ավելի վաղ էր գրել, որ Մաթեոսյանի գլխին սեւ ամպեր են կուտակված, ու կառավարությունը մտադիր է հրաժեշտ տալ նրան: «Հի բացառվում Փաշինյանն առաջիկայում նրան հրաժարական տալու դիմում գրել տա», - գրել էր թերթը: ArmLur.am-ի տեղեկություններով՝ փոխվարչապետի՝ հրաժարական գրելու դիմումը կապված է եղել Բյուրոսովի անվան պետական համալսարանի՝ վերջերս կայացած ռեկտորի ընտրությունների հետ, ինչի ժամանակ գործող ռեկտոր Կարինե Հարությունյանը վերընտրվել էր: Բանն այն է, որ Համբարձում Մաթեոսյանը Բյուրոսովի համալսարանի հոգաբարձուների խորհրդի նախագահն է, ու վարչապետ Նիկոլ Փաշինյանին դուր չի եկել, որ իրենց ցանկալի թեկնածուն (ըստ երեսույթին՝ Լեզվի պետական կոմիտեի նախագահ Դավիթ Գյուր-



ջինյանը) չի ընտրվել: Չնայած իշխանությունների կողմից իրականացվող ակնհայտ ու ծածուկ ճնշումներին՝ դեկտեմբերի 9-ին Բյուրոսովի անվան պետական համալսարանի ռեկտոր է վերընտրվել Կարինե Հարությունյանը: «Ժողովուրդ» օրաթերթի տեղեկություններով՝ իշխանություններն անգամ սեփական լրատվամիջոցներով էին փորձում ստվերել Հարությունյանի գործունեությունն ու ռեկտորի ընտրություններից մեկ օր առաջ վարչապետ Նիկոլ Փաշինյանի ընտանիքին պատկանող լրատվամիջոցով գրում էին Պետական վերահսկողական ծառայության՝ բռնիում իրականացրած սուուզումների մասին: «Ժողովուրդ» օրաթերթը դեկտեմբերի 9-ին գրել էր նաեւ, որ Բյուրոսովում ռեկտորի պաշտոնում սեփական թեկնածուին ունենալու ակնկալիքով իշխող «Քաղաքացիական պայմանագիր» կուսակցությունը, ուսանողների, նրանց ծնողների վրա տարբեր ճնշումներ բանեցնելով, փորձում էր Գյուլջինյանի համար ճանապարհ հարթել, ինչը, փաստորեն, չի ստացվել. բուհի խորհուրդը նախընտրել է գործող ռեկտորին:

ՍԵՎԱԿ ՎԱՐԴՈՒՄՅԱՆ

ԹՎԱՔԱՆԱԿԸ ՊԱԿԱՄԵԼ Է

Հայաստանի բնակչությունը վերջին 10 տարիների ընթացքում 60.000-ով պակասել է: ArmLur.am-ը ՀՀ վիճակագրական կոմիտեից տեղեկացավ, որ 10 տարիների ընթացքում ՀՀ բնակչության թվաքանակը 3 մլն 21 հազար 400-ից պակասել է՝ դառնալով 2 մլն 961 հազար 400: Ըստ Վիճակագրական կոմիտեի՝ Հայաստանը բնութագրվում է բնակչության նվազումով եւ ժողովրդագրական ծերացմամբ, ինչը պայմանավորված է ծնելիության ցածր մակարդակով եւ արտագաղթի բարձր տեմպերով:

Օրինակ՝ 2021 թվականին Հայաստանում զգալիորեն կրճատվել է տղամարդկանց եւ կանանց կյանքի միջին տեւողությունը, շարունակել է աճել կանանց եւ տղամարդկանց ամուսնության միջին տարիքը եւ ավելի քիչ երեխաներ ունենալու միտումը:

ՍՅՈՒՆԷ ՀԱՍՔԱՐԶՈՒՄՅԱՆ

● Անցած 1 օրվա ընթացքում Հայաստանի Հանրապետությունում արձանագրվել է 36 ՃՏՊ. 58 մարդ ստացել է տարբեր աստիճանի մարմնական վնասվածքներ:

ԼՈՒՐԵՐ

ՀԱՅՏԱՐԱՐՈՒԹՅՈՒՆ(1)

«ԱՐԱՏԱՖԱՐՍ» ՍՊԸ -ի նկատմամբ լուծարման վարույթ սկսելու մասին Թիվ ՍՆԴ/0675/04/21 սնանկության գործով ՀՀ Սնանկության դատարանը (դատավոր Ա. Խաչատրյան) 07.12.2022թ. կայացրել է որոշում «ԱՐԱՏԱՖԱՐՍ» ՍՊԸ-ի (ՀՎՀՀ՝ 05548036) նկատմամբ լուծարման վարույթ սկսելու եւ գործունեությունը կասեցնելու մասին: Սնանկության գործով կառավարիչ՝ Էդուարդ Սերոբյան: Հեռ՝ +374-77-64-22-00:

ՀԱՅՏԱՐԱՐՈՒԹՅՈՒՆ(2)

Կազմակերպիչներ «Բի Էս Թի» ՍՊԸ-ի եւ «Ֆլորես աճուրդի տուն» ՍՊԸ-ի կողմից, այդ թվում՝ «ԱԿՍՈՆ» ապրանքահումքային բորսա՝ ՍՊԸ-ի հարթակում իրականացվող բոլոր այն անշարժ գույքերի աճուրդները, որոնց աճուրդային վաճառքի ավարտը սահմանվել էր մինչեւ 2022թ.-ի դեկտեմբերի 30-ը, երկարաձգվում են մինչեւ 2023թ.-ի հուլիսի 03-ը ներառյալ: Լրացուցիչ տեղեկություններ համար գանգահարել (011) 52-61-85 կամ այցելել բորսա՝ ք. Երեւան, Սայաթ-Նովա 40, 82/31 հասցեով, ժամը 9:30-17:00-ն:

ՀԱՅՏԱՐԱՐՈՒԹՅՈՒՆ(3)

«Ակսոն» ԱԶ բորսայի հարթակում (ք. Երեւան, Սայաթ-Նովա պողոտա, 40 շենք, թիվ 82/31) 29.12.2022թ.-ից յուրաքանչյուր աշխատանքային օր՝ ժամը 12:00-ից, իրականացվելու է «Հայաստանի երիտասարդական հիմնադրամ» հիմնադրամի կողմից ներկայացված՝ հիմնականում օգտագործված, վնասված, հնամաշ գրասենյակային աթոռների, պահարանների, սեղանների, գրատախտակների, գրապահարանների, համակարգչի սեղանների, սեղան-պահարանների, բազմոցների, օդափոխիչների, ֆոտոխցիկների, տպիչ սարքերի, հեռուստացույցների, համակարգիչների, մոնիտորների, սառնարանների, ջրի ապարատների, շերտավարագույրների եւ այլ գույքերի աճուրդային վաճառքը՝ «դասական» (գնի բարձրացմամբ) եղանակով:

Մանրամասն տեղեկությունների, ինչպես նաեւ բորսայի հարթակում վաճառվող այլ լոտերի ցանկին ծանոթանալու համար կարող եք այցելել www.akson.am (www.borsa.am) կայքի «վաճառվող լոտեր» բաժին կամ գանգահարել (011) 52-61-85 հեռախոսահամարով:

ՆՈՐ ՏՐՈՒԼԵՅԲՈՒՄՆԵՐ

Երեւանում և ուր տրոլեյբուսների շահագործումը պատշաճ կազմակերպելու նպատակով դեկտեմբերի 19-ին նախատեսված է բացել մրցույթ. եթե հաղթող լինի, մինչեւ տրոլեյբուսների ներկրումը աշխատանքները կատարված կլինեն: Այս մասին երեկ՝ դեկտեմբերի 12-ին, նշվել է Երեւանի քաղաքապետարանի գործակարգավարական հերթական խորհրդակցության ժամանակ: Քաղաքապետ Հրաչյա Սարգսյանը հետաքրքրվեց, թե ուր են հասել տրոլեյբուսները: «Հասել են Ղազախստան: Ղազախստանից դուրս են գալիս: Մինչեւ հունվարի 3-ը կհասնեն 11-ը, մինչեւ հունվարի 5-ը՝ մնացած 4-ը»,- գեկուցեց քաղաքապետարանի տրանսպորտի վարչության պետի պաշտոնակատար Հայկ Սարգսյանը:

«ԱԿՍՆ»

ԽՆԴԻՐՆԵՐ՝ ՀՈԳԵԿԱՆ ԱՌՈՂՋՈՒԹՅԱՆ ԿԵՆՏՐՈՆՈՒՄ

ՀՀ մարդու իրավունքների դաժնացող աշխատակազմի խոստովանումների եւ վաս վերաբերմունքի կանխարգելման վաշտային մեթոդաբանության սույն թվականի դեկտեմբերի 1-ին Պաշտպանի հանձնարարությամբ չհայտարարված մեծադիտարկման այց են իրականացրել ՀՀ առողջապահության նախարարության «Ավան» հոգեկան առողջության կենտրոն:



Մշտադիտարկման շրջանակներում ուսումնասիրվել են հոգեբուժական կազմակերպությունում անձանց պահման պայմանները, նրանց իրավունքների պահպանման վիճակը, դրանց համապատասխանությունը սահմանված պահանջներին, ոչ հոժարակամ եւ անգործունակ ճանաչված անձանց բուժման ընթացակարգերը, ինչպես նաեւ հաստատությունում պահվող պացիենտներին առնչվող փաստաթղթերը:

Հատուկ ուշադրություն է դարձվել նորաստեղծ մանկական բաժանմունքում երեխաների պահման պայմաններին եւ երեխաների նկատմամբ զսպման միջոցների կիրառման հետ կապված հարցերին:

Մշտադիտարկման այցի ընթացքում հոգեբուժական կազմակերպությունում, կորոնավիրուսային (COVID-19) վարակի հաստատված դեպքի արձանագրմամբ պայմանավորված, Կանխարգելման ազգային մեխանիզմի աշխատանքների մեթոդաբանությունը տեղում փոփոխվել է, աշխատանքներն իրականացվել են համաճարակային կանոնները պահպանելու հատուկ ընթացակարգով: Ստուգվել են կորոնավիրուսային (COVID-19) վարակով պայմանավորված կանխարգելիչ միջոցառումների կազմակերպման վիճակը, սակարարհիգիենիկ պայմանները եւ այլն:

Մշտադիտարկմանը ներգրավված են եղել իրավաբաններ, բժիշկներ եւ հոգեբան, այն իրականացվել է հատուկ մեթոդաբանությամբ եւ չափիչ սարքերի օգտագործմամբ (տարածություն, ջերմություն եւ այլն):

Այցի արդյունքում վեր են հանվել հետեւյալ հիմնական խնդիրները.

-կենցաղային, այդ թվում՝ սանիտար-հիգիենիկ անբավարար պայմաններ, առկա է բարելավման եւ վերանորոգման անհրաժեշտություն,

-տեղաշարժման հետ կապված դժվարություններ ունեցող անձանց պահանջ-մունքներին համապատասխան հարմարեցված ֆիզիկական միջավայրի բացակայություն,

-բժշկական փաստաթղթերի վարման հետ կապված խախտումներ կամ այդ փաստաթղթերի ոչ պատշաճ վարում,

-հոգեկան առողջության խնդիրներ ունեցող անձանց՝ արտաքին աշխարհի հետ կապի եւ զբաղվածության ապահովման հետ կապված խնդիրներ,

-հոժարակամ եւ ոչ հոժարակամ բուժման իրավական ընթացակարգերի պահպանման հետ կապված խնդիրներ, որոնք ողջ երկրում ունեն համակարգային բնույթ եւ շարունակ լուծում չեն ստանում՝ հանգեցնելով մարդու սահմանադրական իրավունքների կոպիտ խախտումների,

-այլընտրանքային, ոչ դեղորայքային բուժման մեթոդների կիրառման բացակայություն,

-կորոնավիրուսային (COVID-19) վարակի կանխարգելման տեսանկյունից արձանագրվել են մի շարք խնդիրներ, մասնավորապես՝ հոգեբուժական կազմակերպություն այցելուների մուտքի ժամանակ պաշտպանիչ միջոցների կիրառման, ջերմաչափման, սոցիալական հեռավորության պահպանման եւ այլն,

-երեխաների համար նախատեսված բաժանմունքում զսպման միջոցների կիրառման հետ կապված խնդիրներ,

-տարբեր սեռի երեխաներին նույն հիվանդասենյակում պահելու հետ կապված խնդիր,

-կանանց բաժանմունքում հեռախոսակապի հասանելիության խնդիր,

-հոգեբուժական կազմակերպության աշխատակիցների աշխատանքային պայմաններին առնչվող խնդիրներ եւ այլ:

Ողջունելի է հոգեբուժական կազմակերպության աշխատակիցների աշխատավարձերի հաշվարկման նոր մեխանիզմների ներդրումը, որը նպաստել է նրանց աշխատավարձի բարձրացմանը, սակայն դեռեւս պետք է քայլեր ձեռնարկել հոգեբույժների թափուր հաստիքները համալրելու ուղղությամբ, ինչպես նաեւ աշխատակիցների մասնագիտական վերապատրաստումների, կարողությունների եւ հմտությունների զարգացման ուղղությամբ:

Արձանագրված խնդիրները Պաշտպանի ներկայացուցիչները քննարկել են հոգեբուժական հաստատության տնօրինության հետ: Խնդիրները կամփոփվեն, եւ դրանց լուծմանն ուղղված առաջարկները համապատասխան վերլուծության հետ միասին կներկայացվեն իրավասու մարմիններին:

Մշտադիտարկման այցի ընթացքում հոգեբուժական կազմակերպության տնօրինությունն ու բժշկական անձնակազմը ակտիվ համագործակցել են Պաշտպանի ներկայացուցիչների հետ, եւ աշխատանքի խոչընդոտներ չեն ստեղծվել:

«ԱԿԲԱ» ԲԱՆԿ

ԴԵՊԻ ԽԵԼԱՑԻ ՈՒ ԹՎԱՅԻՆ ԲԱՆԿԱՅԻՆ ՀԱՄԱԿԱՐԳ

Ավելի քան 200 մասնակից եւ 5000 օնլայն հանդիսատես է հեծնում Երեւանում անցկացվող Silicon Mountains միջազգային Տեխնոլոգիական գագաթնաժողովին:

Հայ եւ արտասահմանցի փորձագետները հավաքվել են քննարկելու չորրորդ արդյունաբերական հեղափոխության տեսլականը, տեղեկությունն ու մարտահրավերները: Գագաթնաժողովը նվիրված է տնտեսությունում խելացի թվային լուծումների ներդրմանը:

20-ից ավելի բանախոս խոսել են խելացի տնտեսության, խելացի կառավարման, խելացի ենթակառուցվածքների եւ, իհարկե, խելացի ու թվային բանկային համակարգի մասին: Թեմայի շուրջ իր տեսա-

կետն է հայտնել «Ակբա» բանկի գլխավոր գործադիր տնօրեն Հակոբ Անդրեասյանը:

«Երեք կարեւոր կոմպոնենտ գոյություն ունի ժամանակակից բանկին՝ իրականացնելու համար՝ առաջինը՝ լավ տեխնոլոգիաներն են, երկրորդը՝ սմարթ, եւ կասեի՝ թվային-սմարթ աշխատակիցը, եւ երրորդը, իհարկե, սմարթ-թվային հաճախորդը: Այս երեքի համադրությունը ապահովում է սմարթ բանկինգի իրականացումը»,- նշում է «Ակբա» բանկի գլխավոր գործադիր տնօրեն Հակոբ Անդրեասյանը:

Բանախոսներն անդրադարձել են նաեւ բանկային ոլորտում անվտանգության ապահովման խնդիրներին:

Հայաստանյան բանկերը հաճախորդների տվյալների անվտանգությանը շատ լուրջ են վերաբերվում:

«Անվտանգության բարձրացման համար շատ կարեւոր է նաեւ «քլաուդային» տեխնոլոգիաների օգտագործումը՝ լավագույն տեխնոլոգիական լուծումների հիման վրա: Սա չափազանց կարեւոր է, եւ պետք է «վախենալ» այս տեխնոլոգիաներից, եւ պետք է մտածենք մեր երկրում «քլաուդ» ստեղծելու մասին»,- ընդգծել է «Ակբա» բանկի գլխավոր գործադիր տնօրեն Հակոբ Անդրեասյանը՝ հավելելով, որ բանկային տվյալների անվտանգության ապահովման գործում մեծ դեր ունի նաեւ հաճախորդների ֆինանսական գրագիտությունը, որի համար կրթական ծրագրի անհրաժեշտություն կա, չնայած որ Հայաստանը ֆինանսական կրթության ներդրման առումով համաշխարհային մակարդակում օրինակելի է:

Բանկը վերահսկվում է ՀՀ ԿԲ կողմից:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՀԱՄԵՐԳ

ՕՐԱՆ ԳՈՒՐՅԱՆԻ 100-ԱՄՅԱԿԸ

Գեկտեմբերի 9-ին Կամերային երաժշտության ազգային կենտրոնի դահլիճում տեղի ունեցավ Օհան Գուրյանի 100-ամյակին նվիրված հուշ-երեկոն:

Միջոցառումը կազմակերպվել էր «Կոմիտաս» միջազգային փառատոնի շրջանակներում «Հայ փոքրիկ երգիչներ» ընկերակցության կողմից՝ ԿԳՄՍ Նախարարության մասնակի աջակցությամբ:

Բեմում էին Տիգրան Զեքեյանի ղեկավարած «Հայաստանի փոքրիկ երգիչներ» երգչախումբը, ում եւ Օհան Գուրյանի միջեւ սերտ շփում եւ հարազատության երկուստեք զգացում կար ականավոր դիրիժորի կյանքի օրոք, իսկ հեռանալուց հետո նույնը պահպանվեց մատուրդի սիրելի տիկնոջ՝ Ալիս Գուրյանի հետ:

Տիկին Ալիսի խնդրանքով եւ ակոմամբ էր նաեւ, որ երեկոյին սիրով իրենց մասնակցությունը բերեցին Տիգրան Զեքեյանի երեխաները, ում ջերմ բարեկամությունը մատուրդ Գուրյանի հետ սկսվել է նրանց ծննդյան պահից՝ թավջութակահար Նարեկ Զեքեյանը, հոբոյահար Հայկ Զեքեյանը, դաշնակահար Աննա Զեքեյանը:

«Վարպետի ջերմ ու թրթռոզ վերաբերմունքը՝ առհասարակ երեխաների, փոքրերի նկատմամբ, հայտնի փաստ է», - պատմեց Տիգրան Զեքեյանը, նաեւ հավելեց, որ կրտսեր Զեքեյանների համար մեծ պատասխանատվություն է եւ նվիրական պահ հուշ-երեկոյի ընթացքում հայ մեծանուն արտիստի եւ իրենց «մեծ պապիկի» հիշատակին երաժշտական կատարում նվիրելու հնարավորությունը:

Համերգի ընթացքում խոսքով հանդես եկան Օհան Գուրյանի երկրպագու եւ բարեկամ Վահան Վարդապետյանը, Դանիել Երաժիշտը: Խոսեցին Վարպետի կյանքի դրվագներից, նրա եւ Տիգրան Զեքեյանի բարեկամության մասին, Օհան Գուրյանի հիացմունքի մասին, որ միշտ ապրում էր «Հայաստանի փոքրիկ երգիչներ» երգչախմբի ելույթներն ունկնդրելիս:



երգիչներ» երգչախմբի ելույթներն ունկնդրելիս:

Ունկնդիրը ողջ համերգի ընթացքում սիրով վայելեց երգչախմբի եւ մենակատարների յուրաքանչյուր կատարում: Առանձնահատուկ ոգեւորությամբ ընդունվեց նաեւ արգենտինացի կոմպոզիտոր Ս. Պալմերիի՝ հատուկ «Հայաստանի փոքրիկ երգիչներ» երգչախմբի 30-ամյա հոբելյանի առիթով գրած «Միսսա տանգո Արմենիա» ստեղծագործությունը՝ երգչախմբի, դաշնամուրի եւ բանդոնեոնի համար: Բանդոնեոնի նվագամասը այս միջոցառման համար սիրով մեկ շաբաթում սովորեց եւ հիանալի կերպով կատարեց ակորդեոնահար Գագիկ Դանիելյանը:

Գեղեցիկ երեկո ստացվեց: Եւ այս հուշ-համերգը ոչ միայն բարձրակարգ երաժշտության եւ անմասնորոշ աշխատանքի մասին հաշվետվություն էր, ինչպիսին անձի եւ արվեստի, նրա հիշատակի հանդեպ տածած սիրո: Նվիրման, խոնարհումի երեկո, երգ-պատում մեծ երաժշտի եւ մարդու մասին:

ԼՈՒՐԵՐ

ՍՈՒՐԲԾՆԵՂՅԱՆ ԲԱՅԻԿ

Մինչ մենք քնած էինք, հրապարակվել է Չարզ ԼՍ թագավորի եւ Կամիլա Փարքեր-Բուլդի սուրբծննդյան առաջին բացիկը:

Բացիկի լուսանկարում զույգը ջերմ ժպտում է Բրեմարյան թագավորությունում կայացած հանդիպման ժամանակ: Կարոն արվել է լուսանկարիչ Սեմ Յուսեյնի կողմից Էլիզաբեթ II-ի մահից կարճ ժամանակ առաջ: «Շնորհավորում ենք Ձեզ Ամանորի եւ Սուրբ Ծնունդի կապակցությամբ», - գրված է բացիկի վրա:

«ԱՐԱՐԱՏԻՑ» ԳՈՒՐՄ ԵՆ ԳԱԼԻՍ

Երեւանի «Արարատ»-ի մի շարք ֆուտբոլիստներ հեռացել են ակումբից: «Արարատի» կազմում իրենց ելույթներն ավարտում են Խուան Բրավոն, Էդգար Մալաքյանը, Ալիկ Առաքելյանը, Արտյոմ Պոտապովը, Արման Մկրտչյանը, Բաբու Չամը եւ Տիմուր Պուխովը:

Կոլումբիացի պաշտպան Խուան Բրավոն 2020/21 մրցաշրջանի մեկնարկից առաջ էր միացել «Արարատին»: Բարձրագույն խմբում անցկացրած 64 խաղում Բրավոն դարձել է 4 գոլի հեղինակ: Խուան Բրավոն «Արարատի» կազմում նվաճել է Հայաստանի գավաթը:

2020/21 մրցաշրջանից առաջ «Արարատը» համալրած ֆուտբոլիստներից էր նաեւ Էդգար Մալաքյանը: Նա միանգամից դարձավ թիմի առաջատարներից մեկը: Էդգար Մալաքյանը մասնակցել է Բարձրագույն խմբի 59 խաղի եւ դարձել է 10 գոլի հեղինակ, ինչպես նաեւ դարձել է Հայաստանի գավաթակիր:

Ալիկ Առաքելյանը 2021-ի ամռանը համալրեց «Արարատի» շարքերը: Նա «Արարատի» կազմում անցկացրել է առաջնության 44 խաղ եւ դարձել է 5 գոլի հեղինակ:

Դարպասապահ Արտյոմ Պոտապովը Նախորդ ամռան էր միացել «Արարատին» եւ թիմի հիմնական դարպասապահն էր 2022/23 մրցաշրջանի առաջին հատվածում: Նա անցկացրել է առաջնության 20 հանդիպում:

Արման Մկրտչյանը նույնպես ընթացիկ մրցաշրջանի մեկնարկից առաջ էր միացել «Արարատին»: Նա «Արարատի» մարզաշապիկով Բարձրագույն խմբի 13 հանդիպման է մասնակցել:

Գամբիացի հարձակողական ոճի կիսապաշտպան Բաբու Չամը «Արարատի» կազմում մասնակցել է Բարձրագույն խմբի 8 հանդիպման:

«Արարատի» կազմում իր ելույթներն ավարտում է նաեւ ռուս կիսապաշտպան Տիմուր Պուխովը: Վերջինս մասնակցել է Բարձրագույն խմբի յոթ հանդիպման:

ՀԱՅՏԱՐԱՐՈՒԹՅՈՒՆ (4)

ՀՐԱՊՈՒՆԱԿԱՅԻՆ ԾԱՆՈՒԹՈՒՄ

«Բի եւ Թի» ՍՊԸ-ն (այսուհետ՝ Կազմակերպիչ) «Ակտոն» ԱՅ Բորայի հարթակում իրականացնելու է բաց աճուրդի համապատասխան փուլերով՝ «դասական» (գնի բարձրացմամբ), այնուհետեւ «հոլանդական» (գնի նվազեցմամբ) եղանակներով: Աճուրդի ընթացքում վաճառվելու են «Հայրիգնեբանկ» ՓԲԸ-ին (այսուհետ՝ բանկ) սեփականության իրավունքով պատկանող հետևյալ լոտերը:

- Լոռու մարզ, համայնք Վանաձոր ք., Բաբու մի փողոց, 17 շենք, 50 հասցեում գտնվող 66,68 ք.մ. մակերեսով բնակարան: Լոտի մեկնարկային գինը՝ 10100000 ՀՀ դրամ:

- Կոտայքի մարզ, համայնք Նոր Հաճն, գյուղ Քարաշամբ, 2-րդ փողոց, 31 հասցեում գտնվող 346,4 ք.մ. մակերեսով բնակելի տուն – 0.18 հա մակերեսով հողամաս: Լոտի մեկնարկային գինը՝ 16900000 ՀՀ դրամ:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 29.12.2022թ.-ին, ժ. 12:00-ին դասական եղանակով, այնուհետեւ յուրաքանչյուր աշխատանքային օր, նույն վայրում, նույն ժամին՝ հոլանդական եղանակով: Աճուրդի ավարտը՝ 03.07.2023թ.-ին:

Աճուրդի մասնակցության Նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան Նախորդող աշխատանքային օրվա ժամը 16:00-ն: Նախավճարը

վճարվում է «Բի եւ Թի» ՍՊԸ -ի դրամարկուրմանուրդի կայացման հասցեում, ՀՀ օրենսդրությամբ սահմանված կանխիկ շեմը չգերազանցելու դեպքում, կամ բանկային հաշվին («Արդշինբանկ» ՓԲԸ-ում 2470103374150000 հաշվեհամարին), կամ կազմակերպիչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպիչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ Նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակցից, աճուրդավարի մուրհակի երրորդ հարվածից հետո, համարվում է աճուրդում հաղթած մասնակից: Աճուրդին մասնակցելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառի պայմանագիրը, ապա նա

կորցնում է իր մուծած Նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել Նախավճարը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում:

Լոտերն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեներով եւ ծանոթանալ լոտերի հետ՝ այցելությունը Նախապես համաձայնեցնելով Կազմակերպիչի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող էք ծանոթանալ եւ անվճար ստանալ կանոնակարգի պատճենը, դիմելով Կազմակերպիչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.llcbst.am, www.akson.am կայքեր:

● Դեկտեմբերի 14-ին Երեւանի պետական կամերային թատրոնում տեղի կունենա «Նազար, Նազար մինչեւ վերջ» ներկայացումը: Տոմսերի արժեքը՝ 2000-6000 դրամ: Սկիզբը՝ ժամը 19:00-ին:



Էջը՝ ՈՂՋԱ ՊՈՂՈՍՅԱՆԻ

ԱՇԽԱՏԱՆՔ

ՀԱՐՑ. Ի՞նչ ընթացակարգով է կատարվում կոլեկտիվ աշխատանքային վեճի բնառկունը հաշտեցման հանձնաժողովի կողմից:
Մարգարիտա Լալայան (36 տարեկան)



ՊԱՏԱՍԽԱՆ. Հաշտեցման հանձնաժողովը ստեղծվելուց հետո՝ յոթ օրվա ընթացքում, պետք է քննարկի կոլեկտիվ աշխատանքային վեճը: Նշված ժամկետը կարող է երկարաձգվել կողմերի համաձայնությամբ: Հաշտեցման հանձնաժողովում վեճի քննարկման ընթացքում կողմերի ներկայացուցիչները կարող են հրավիրել մասնագետներ (խորհրդատուներ, փորձագետներ և այլն): Գործատուի պարտավոր է ստեղծել անհրաժեշտ պայմաններ հաշտեցման հանձնաժողովի աշխատանքների համար:

ՀՀ աշխատանքի և սոցիալական հարցերի նախարարություն

«ԺՈՂՎՈՒՐԳ». Հաշտեցման հանձնաժողովները ձևավորվում են կոլեկտիվ աշխատանքային վեճի կողմերի հավասար թվով ներկայացուցիչներից: Հաշտեցման հանձնաժողովի անդամների ընդհանուր թիվը որոշվում է կողմերի համաձայնությամբ: Հաշտեցման հանձնաժողովը ստեղծվում է առաջադրված պահանջները մերժելու մասին գրավոր որոշումը պահանջներ առաջադրած կողմին տրամադրելու օրվանից հետո՝ յոթ օրվա ընթացքում: Հանձնաժողովի կազմը ամրագրվում է արձանագրությամբ:

ՏՆՏԵՍԱԿԱՆ

ՀԱՐՑ. Ինչպիսի՞նք իրավունքներ ունի այն անձը, որն ունի քրահետազոտման և քրահետազոտման (կեղտաջրերի մաքրման) ծառայությունների մատուցման լիցենզիա:

Էդգար Գասպարյան (58 տարեկան)



ՊԱՏԱՍԽԱՆ. Խմելու ջրի մատակարարման և (կամ) քրահետազոտման (կեղտաջրերի մաքրման) ծառայությունների մատուցման լիցենզիա ունեցող անձին իրավունք է տրվում և պարտավորեցվում է սույն օրենսգրքով, իրավական այլ ակտերով և լիցենզիայով սահմանված դեպքերում ու կարգով խմելու ջրի մատակարարման և (կամ) քրահետազոտման (կեղտաջրերի մաքրման) ծառայություններ մատուցել բաժանորդներին, իրականացնել ջրի մեծածախ վաճառք, ինչպես նաև իր սպասարկման տարածքում կառավարել, շահագործել, պահպանել, բարելավել և ընդլայնել իր ջրային համակարգը:

ՀՀ պետական եկամուտների կոմիտե

«ԺՈՂՎՈՒՐԳ». Ոռոգման ջրամատակարարման լիցենզիա ունեցող անձին իրավունք է տրվում և պարտավորեցվում է ոռոգման ջրի մատակարարման ծառայություններ մատուցել բաժանորդներին, համայնքներին և ջրօգտագործողների ընկերություններին (ջրօգտագործողների ընկերությունների միություններին), ինչպես նաև կառավարել, շահագործել, պահպանել, բարելավել և ընդլայնել իր ջրային համակարգը, իրականացնել ջրի մեծածախ վաճառք:

ԼՈՒՐ ԿԱԴՐ

Լուսանկարն արվել է Երեւանում



Երեւանի քաղաքապետարանի առևտրի և ծառայությունների վարչությունը տեսանյութ է հրապարակել՝ նշելով, որ բեռնատար ավտոմեքենայի վարորդը շփոթել էր ճանապարհը և հայտնվել Արմավյան փողոցում վնասելով տունական լուսավորությունը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ես/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արմավյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 12.12.2022
Պատկերը/Պատկերակազմը հարմար է օգտագործելու 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: